

*Conoce historia di Aruba*

# Bishita Museo di Deporte



**NOORD-** Hopi ta ser papia di nos historia den e dlanan aki. Hopi ta esnan cu ta lamenta cu nos deporte a bay atras compara cu añanan 50 y 60 unda e deportistanan tabata hopi mas dedica cu awor.

Pero bo conoce e historia di berdad? Wel, ata bo oportunidad di sera conoci cu e protagonistan berdadero di e imagen cu a ser crea di Aruba den pasado. Riba Dia di Himno y Bandera

(Diadomingo awor) Museo di Deporte y Salon di Fama, bou direccion di sr. Chipen Chirino ta invita henter e pueblo Arubano pa un bishita pa nos por sera conoci cu esnan cu a entrega nan bida

practicamente na e desaroyo di deporte den pasado. Diadomingo awor for di 10.30 mainta te cu 3'or atardi tur hende por pasa y siña mas di nos historia y nos cultura.

Museo di Deporte y Salon di Fama ta situa na Alto Vista 67, net banda di Gigi Shoppe, (diagonal enfrente di Parrillada Carmelo). Bini cu henter famia y probecha di e oportunidad unico aki. Entrada ta gratis.